



UNIVERSITÄTS-
BIBLIOTHEK
PADERBORN

Iani Gvlielmi Verisimilivm Libri Tres

Gulielmus, Janus

Antverpiae, M. D. LXXXII.

Cap. I. Interdare. Bonis emungi, eluere. Offrenari. Plautus Captivus
emendatus, & si fortè, Rudente.

[urn:nbn:de:hbz:466:1-70877](https://nbn-resolving.org/urn:nbn:de:hbz:466:1-70877)

IANI GVLIELMII
VERISIMILIVM
LIBER TERTIVS.

CAPVT I.

Interdare. Bonis emungi, eluere. Offrenari. Plautus Captiuus emendatus, & si forte, Rudente.

M V S A S ipfas mihi demereri video,
Plauti vulneribus cum mideo. ne-
que immerito fortasse: si verum est,
quod viri doctissimi affirmarunt, eas,
si Latine loquerentur, Plauti verbis
sermonem texturas fuisse. Ea re lu-
dens merito feci Captiuus eius aliquot male affecti-
onibus remedium vt properarem. Scena, Inicie
tunc actutum.

Quando ego te exemplis pessumis excruciauero,
Atque ob sutelas tuas te morti misera
Vel te interiisse, vel periisse predicent,
Dum pereas, nihil interdico, dicant viuere.

Verfu postremo emendo, Dum pereas, nihil interduo.
Nihil interdare, susque deque facere est *ἔμεινον*.
Sic idem Plautus ciccum, floccum non interdare in
eadem significatione vsurpat, Trinumo.

Sedenim tu qui sis, qui non sis, floccum non interduim.
Et Rudente:

Eluas tu an exungare ciccum non interduim.
Vbi, ne quid dissimulem, n. alim legi, Eluas tu an e-
xungare. Dixerat Charmides: eho an te poenitet

E 4 In mari

In mari quod elai, nisi hic in terra iterum elai?

Alludens ad naufragium suum & formulam, qua decoctores & damnosus bonis eluere dicuntur: cum iiciens seruulus, mihi, inquit, susque deque est, bonis elus, quod fortunæ aut luxus est; an hildem mungare, quod dolis & technis fieri norant, qui latine sciunt: & accidisset Charmidi, si vestem munda induxisset animum. Quamquam non negem adhibitiones & lauationes veterum potuisse respexisse potam. Ita vt hoc in medio relinquo; ita, nisi admodum fallor, docti non negabunt rectè à me confertum locum Captiuus: vt & hunc, eadem Scena.

*Quod absque hoc esset, qui mihi hoc fecit palam,
Vsq̄ offerre natum suis me ductarent dolis.*

Ridiculè interpretatur Lambinus: atqui ipsi commentum placet. Langiani libri, *oferenatum*. tu meo periculo: *offrenatum*. Offrenati dolis, qui veluti capistro ori iniecto dolis deuincti quolibet ductantur. Vsurpat Plautinæ elegantia diligens imitator Appuleius, libro De Asino sexto: *Hunc* (de Cetero loquitur) *offrenatum vnus offula præda facile præterit*. Scena quæ hanc præcedit:

Ita mihi stolido suis os subleuere offuciis.
eiusdem Langij libri, *stolido vorsus os*. Corrigit Lambinus, *sursum vorsum*. satis audacter mehercule, propius libros scriptos ego, *vorsus os subleuere offuciis*.

CAPVT II.

Exsiliij causa solum vertere. Fatiscere. Cicero epistola ad Brutum emaculatus.

SVDIFFICILE est plurimis bonorum antiorum locis subodorari inculcatam lectionem & agnita